





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዋይዜማ

እግዝእትየ እብለኪ ወእሙ ለእግዚእየ እብለኪ፤
 ወተወልደ እምኔኪ ቃለ ጽድቁ ለአብ ፤
 ማርያምሰ ተሐቱ ውስተ ከርሡ ለአዳም ፤ ከመ
 ባሕርይ ፀዓዳ ፤ ያረቶ እግዝእቱ ለአዳም ፤
 ማርያምሰ ተሐቱ ውስተ ከርሡ ለአዳም ከመ
 ባሕርይ ፀዓዳ ድንግል ተሐቱ በከርሡ አዳም ፤
 ድንግል ተሐቱ በከርሡ አዳም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



አመላለስ

ድንግል ተሐቱ በከርሠ አዳም
ድንግል ተሐቱ በከርሠ አዳም።

በ፭ ለእግዚአብሔር ምድር በምልዓ

ሰአሊ ለነ ማርያም እንተ እግዚእ ኀረያ፤
ሰአሊ ለነ ማርያም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



እግዚአብሔር ነግሠ

ደብተራ ፍጽምት ዘጳውሊ፤

ወማኅደሩ በጽድቅ ዘገብራ ከሃሊ፤

ፈለሰት እምዘይበሊ ኀበ ኢይበሊ፤

በመሰንቆሁ እንዘ የኃሊ፤

ዳዊት አቡሃ ዘወልዳ ወዓሊ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ወረብ

ደብተራ ፍጽምት ዘጳውሊ፤
ፈለሰት እምዘይበሊ ንበ ኢይበሊ፤
በመሰንቆሁ እንዘ የኃሊ፤
ዳዊት አቡሃ ዘወልዳ ወዓሊ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



በ፤

ዕፀ ጳጦስ ይኔቲ እንተ በአማን ቅድስተ ቅዱሳን፤

ዕፀ ጳጦስ ይኔቲ እንተ በአማን።

ይትባረክ

እግዝእትየ እብላኪ፤

ወእሙ ለእግዚእየ እብላኪ፤

ቃል ቅዱስ ኀደረ ላዕሌኪ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰለሥት

ሰማዓኒ እግዚአ ጸሎትየ ሃሌ ሉያ ወይብዳሕ
ቅድሚክ ገዢያ ፤ ወኢትምጥ ገደክ እምኔየ ሃሌ
ሉያ በዕለተ ምንዳቤየ አጽምዕ እዝነክ ሃቤያ ፤
አመ ዕለተ እጼውዐክ ፍጡነ ሰምዓኒ ሃሌ ሉያ
ሃሌ ሉያ ለዓለም ወለዓለመ ዓለም። ማርያም
ጽርሕ ንጽሕት ማኅደረ መለኮት እኅቶሙ
ለመላእክት ሰመያ ሰማያት እንተ በምድር
ታንሶሱ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም

ሃሌ ሉያ ሃሌ ሉያ ሃሌ ሉያ የኢ እምሊባኖስ ሥነ
ሕይወት ርቱዕ አፍቅሮትኪ ፤ ቡርክት አንቲ
እምአንስት ማኅደረ መለኮት።

የኢ እምሊባኖስ ስነ ሕይወት ሰላም ለኪ ማርያም
እመ አምላክ ፤ ወልድኪ ይጼውዓኪ ፤ ውስተ
ሕይወት ወመንግሥተ ክብር።







የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ማኅሌት

ሚካኤል ሊቀ መላእክት ሰክል በእንቲኦነ፤
ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን፤

ሰባሕያን ወመዘምራን ሰክሉ በእንቲኦነ፤

፳ወ፬ቱ ካህናተ ሰማይኒ አእርጉ ጸሎተነ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ነቢያት ወሐዋርያት ፣ ጸድቃን ወሰማዕት፣
ሰአሉ በእንቲአነ፤
ምስሌክሙ ከመ ይክፍለነ፤
መክፈልተ ወርሱተ ለኩልነ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ማኅበረ ቅዱሳን ወሰማዕት ሰክሊ በእንቲኦነ፤
መላእክተ ሰማይኒ አእርጉ ጸሎተነ።
ማርያም እግዝእትነ፤
ወላዲተ አምላክ ሰክሊ በእንቲኦነ፤
እስመ ረከብኪ ሞገሶ በኅብ እግዚአብሔር።
ረከብኪ ሞገሶ መንፈሶ ቅዱሶ ወኃይለ ሰክሊ
አስተምሕሪ ለነ ማርያም ወልድኪ ሣህሎ
ይከፍለነ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ኅብ ተርኅወ ገነት ወኅብ ተነፅፈ ዕረፍት
ይክፍለን ነሀሉ ውስተ በዓቶሙ ለቅዱሳን።
(፫ ጊዜ)





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



መሪና ተመሪ ይበሉ

ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብዳሕ ቅድሚክ ገዢህ ሃሌ ሉያ ሃሌ ሉያ
ወኢትሚጥ ገደክ እምኔህ።

አንሺ

ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብዳሕ ቅድሚክ ገዢህ ሃሌ ሉያ ሃሌ ሉያ
ወኢትሚጥ ገደክ እምኔህ።



የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ተመሪ

በዕለተ ምንዳቤየ አፅምኔ እዝነክ ኅቤየ
ሃሌ ሉያ ሃሌ ሉያ አመ ዕለተ እጼውዓክ ፍጡነ
ስምዓኒ ሃሌ ሉያ ሃሌ ሉያ

በጎብረት

ለዓለም ወለዓለም ሃሌ ሉያ ዘውኔቱ ብሂል፤
ንወድሶ ለዘሀሎ እግዚአብሔር ልዑል፤
ስቡሕ ወውዱስ ዘሣረረ ኹሎ ዓለመ በአሐቲ ቃል፤





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብዳሕ ቅድሚክ ገዢህ ሃሌ ሉያ ሃሌ ሉያ
ወኢትሚጥ ገደክ እምነህ ፤ በዕለተ ምንዳቤህ
አፅምኝ እዝነክ ኀቤህ ሃሌ ሉያ ሃሌ ሉያ
አመ ዕለተ እጼውዓክ ፍጡኝ ስምዓኒ ሃሌ ሉያ ሃሌ
ሉያ ለዓለም ወለዓለም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሁለተኛ ማንኛ ሃሌ ሉያ ዘውኝቱ ብሂል፤

ንወድሶ ለዘሀሎ እግዚአብሔር ልዑል፤

የመጀመሪያ ማንኛ

ስቡሕ ወወዱስ ዘሣረረ ኩሎ ዓለመ በአሐቲ
ቃል።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



በኅብረት ዜማ

ዳዊት ነቢይ በከመ ጸለየ፤

እጼሊ ኅቤከ እግዚአብሔር አምላኪያ፤

እንዘ እብል ከመዝ ጸወንየ ወኰኩሐያ፤

ወታድኅነኒ ሊተ እምጸላእትየ፤

ወዓቃቤየ ትከውነኒ ወእትዌከል ብከ ምእመንየ፤

ወዘመነ ፍርቃንየ ረዳኢየ ወምስካይየ ወሕይወትየ፤

ወታድኅነኒ እምእደ ገፋኢየ፤

ሃሌ ሉያ በሰብሐት እጼውዓከ ንጉሥየ ወአምላኪያ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሚካኤል መልአክ ሰአል ወጸሊ በእንቲአነ፤
ወበእንተ ነፍሰ ኩልነ ፤ መልአኪያ ይቤሎ፤
እመላእክት ሠምሮ መልአክ ኪዳኑ
ለክርስቶስ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለክሙ ማኅበረ መላእክት ትጉሃን
ሰላም ለክሙ ማኅበረ ነቢያት ቅዱሳን
ሰላም ለክሙ ማኅበረ ሐዋርያት ፍንዋን
ሰላም ለክሙ ማኅበረ ሰማዕት ወጸድቃን
ሰላም ለክሙ ማኅበረ ሥላሴ ጉብኝን
ወሰላም ለማርያም ዘኢሳት ክዳን።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ማኅበረ መላእክት ወሰብኦ ተአይነ ክርስቶስ ወኒሙ፤
ሰላም ለክሙ ሶበ እከሰት አፋየ ለውዳሴክሙ፤
ፍሬ ማኅሌት እምልሳንየ ትቅስሙ፤
ምስሌየ ሀልዉ ወምስሌየ ቁሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለአብ ወለወልድ ቃሉ፤
 ወለመንፈስ ቅዱስ ሰላም ዘክካሎሙ አካሉ፤
 ለማርያም ሰላም እንተ ተሳተፈት ስብሐተ እሉ፤
 ሰላም ለመላእክት ወለማኅበረ በኩር ኩሉ፤
 ጽሑፋኑ መልክእ ወስም በሰማይ ዘላዕሉ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጸድቃን ሰላም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለአብ ዘእምቅድመ ዓለም ነጋሢ፤
ለወልድ ሰላም ሥጋ ማርያም ለባሲ፤
ወለመንፈስ ቅዱስ ሰላም ኃጢአተ ዓለም ደምሳሲ።
ኃይልየ ሥላሴ ወደወንየ ሥላሴ፤
በስመ ሥላሴ እቀጠቅጥ ከይሴ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



መልክክ ሥላሴ

ሰላም ለኩልያቲክሙ እለ ዕሩያን በኣካል፤
ዓለመክሙ ሥላሴ ኣመ ሐወፀ ለሣህል፤
እምኔክሙ ኣሐዱ እግዚአብሔር ቃል፤
ተፈጸመ ተሰፋ ኣበው በማርያም ድንግል፤
ወበቀራንዮ ተተክለ መድኃኒት መስቀል።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ (ታች ቤት)

ወታሰተሥርዩ ኃጢአተ ሕዝብኪ ተበውሐ ለኪ
እም አብ ወወልድ ወመንፈስ ቅዱስ። ከመ
ትኩኒ ተንከተመ ለውሉደ ሰብእ ፤ ለሕይወት
ዘለዓለም። ለኪ ይደሉ ከመ ትኩኒ መድኃኒቶሙ
ለመሐይምናን ሕዝብኪ። አ መድኃኒተ ኩሉ
ዓለም ወልድኪ ሣህሎ ይክፍለኒ ሰአሊ ለኒ
ቅድስት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ (ላይ ቤት)

ተለዓለት እምድር በሰብሐት ውስተ ሰማያት ፤
ወበህየ ነበረት ዘምስለ ወልዳ ፤ በየማነ አብ
ወወልድ ወመንፈስ ቅዱስ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለክሙ ሚካኤል ወገብርኤል፤
 ሱራፌል ወኪሩቤል፤
 ዑራኤል ወሩፋኤል ፤ ሱርያል ወፋኑኤል፤
 አፍኒን ወራጉኤል ወሳቁኤል፤
 ወሰላም ለቅዳሴክሙ
 ትጉኅነ ሰማይ ዝክሩነ በጸሎትክሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለክሙ ሚካኤል ወገብርኤል፤
 ሱራፌል ወኪሩቤል፤
 ዑራኤል ወሩፋኤል ሱርያል ወፋኑኤል፤
 አፍኒን ወራጉኤል ወሳቁኤል፤
 ሊቃናተ ነድ ፤ ዘሰማያዊት ማኅፈድ፤
 በእንተ በግዑ ዕቀብዋ ለዛቲ ዓፀድ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለክሙ ሚካኤል ወገብርኤል፤

ሱራፌል ወኪሩቤል፤

ዑራኤል ወሩፋኤል ሱርያል ወፋኑኤል፤

አፍኒን ወራጉኤል ወሳቁኤል።

ወሰላም ለከናፍሪክሙ፤

ከሙ ትዕቀቡን ተማኅፀን ለክርስቶስ በደሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሚካኤል ወገብርኤል ሱራፌል ወኪሩቤል
እለ ትሴብሕዎ

መላእክተ ሰማይ ሰአሉ ለነ አስተምሕሩ ለነ
ቅድመ መንበሩ ለእግዚእነ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርእሰነ ከልል።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲኦትከ ዲቤነ ሲማ፤
ለማኅበርነ ከዋላሃ ዕቀብ ወፍጽማ፤
እመራደ ነኪር አፅንዕ ኑኃ ወግድማ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለሚካኤል ዘነድ ሠራጉ፤
ይትከሃን ወትረ በበምስዋዒሁ፤
እምቅዱሳን አሐዱ እምእለ ይተግሁ፤
ሐዋዝ በአርያም መኃልይሁ፤
ነጐድጓደ ስብሐት ግሩም ይደምፅ ጉህናሁ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለልሳንክ መዝሙረ ቅዳሴ ዘነበልባል፤
ወለድምጸ ቃልክ ሐዋዝ ቀርነ መንግሥቱ ለቃል፤
ሞገሰ ክብሩ ሚካኤል ለተላፊኖስ ባዕል፤
አልቦ ዘይትማሰለክ በልማደ ምሕረት ወሣህል፤
እንበለ ባሕቲታ እኅትክ ማርያም ድንግል።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ንዌጥን ዝክረ ውዳሴሆሙ ለነቢያት ወሐዋርያት፤
ለጳድቃን ወሰማዕት፤
ለአጳላፍ መላእክት ዘራማ ኃይላት፤
ለምልዕተ ፀጋ ማርያም ቡርክት፤
ወለሥግዑ ወልዳ ነባቢ እሳት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ንቁጥን ዝክረ ወድሶታ ለመንፈሳዊት ርግብ፤
ዘመና ልሁብ፤
እምከናፍሪሃ ይውኅዝ ሐሊብ፤
ተፀውረ በማኅፀና እሳት ዘኮሬብ፤
ወያውዓያ ነድ ወላህብ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ማኅፀንኪ እግዝእትየ ማርያም ይከብር ምስብዒተ፤
እምጽርሐ እርያም ዘላዕሊ ወእምኪሩቤል
ትርብዕተ፤
፱ተ አውራኃ ወሐምሱት ዕለተ፤
ፆረ ዘኢይፀወር መለኮተ፤
አግመረ ዘኢይትገመር እሳተ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ላይ ቤት በተቆመ ጊዜ የሚባል

ይትባረክ ሰምኪ ማርያም ዘአውጻእክነ እምጸድፍ፤

በርኅራኄኪ ትሩፍ፤

ይሴብሐኪ ኪሩቤል በዘኢያረምም አፍ፤

ሐራ ሰማይ ትጉሃን እጉዛነ ሰይፍ፤

ጉላቋሆሙ አእላፍ፤

አምሳለ ደመና ይኬልሉኪ በክንፍ።

“ለዝክረ ሰምኪ ዘመንክር ጣዕሙን” በል





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



በታች ቤት ይኸንን በል

ምንተ አክሰዮ ለእግዚአብሔር አሐተ፤

በእንተ ኩሉ ዘገብረ ሊተ፤

ረሰዱኒ እመ አስምሮ ግብተ፤

ማርያም እግዝእትዮ ዘሚጥኪ እሳተ፤

ድኅረ በጽሐ ልሣኑ ዘለኪ ቤተ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለአፋኪ አፈ በረከት ትሩፍ፤

ወአንቀፀ ቅዱስ መጽሐፍ፤

አማኅፀንኩ ነፍሰየ በኪዳንኪ ውኩፍ፤

ኢይትኅፈር ቅድመ ወልድኪ ወመላእክቲሁ
አእላፍ፤

አመ ሥርወ ልሳን ይትገዘም ወይትሐተም
አፍ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለዝክረ ስምኪ ዘመንክር ጣዕሙ፤

ለወልድኪ አምሳለ ደሙ፤

መሠረተ ሕይወት ማርያም ወጥንተ መድኅኒት
ዘእምቀዱሙ፤

ኪያኪ ሠናይተ ዘፈጠረ ለቤዛ ዓለሙ፤

እግዚአብሔር ይትባረክ ወይትእኩት ስሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ነግሥ

እምጌቴሴማኒ ፈለሰት ንበ ዘሉዓሌ መካን፤
ውስተ ቤተ መቅደስ ረባቢ ዘመሳክዊሁ ብርሃን፤
አንቀጸ አድኅኖ ማርያም ጽላተ ኪዳን፤
ኰሉ ይብልዋ በአብኅሮ ዘበዕብራይስጢ ልሳን፤
ዕፀ ጳጦስ ይእቲ እንተ በአማን ቅድስተ ቅዱሳን፤
እምቅድሐ ከርሣ ተቀድሐ አስራባተ ወይን፤
ወበውስቴታ ተሠርዓ ቀራርባን።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ (ታች ቤት)

ዕፀ ጳጦስ እንተ በአማን መዝገቡ ለቃል፤

ዕፀ ጳጦስ እንተ በአማን እንቀጸ ብርሃን፤

ዕፀ ጳጦስ እንተ በአማን ጽጌ ደንጉላት፤

ሐረገ ወይን ዘእምነገደ ይሁዳ ፤ እንተ ሠረፀት
ለሕይወት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ (ላይ ቤት)

ዕፀ ጳጦስ ይጸቲ በአማን፤

ይብልዋ ቅድስተ ቅዱሳን፤

አንቀጸ ብርሃን መዝገቡ ለቃል፤

ሰአሊ ለነ ማርያም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



መልክክ ኪዳነ ምሕረት

እግዚአብሔር ወሀቤ ብርሃን ዘይሴሢልሰ በአካሉ፤

እንደ ተዋህዶ ያጸንዕ በመለኮቱ ወኃይሉ፤

ዓይነ ልቡናየ ያብርህ በማኅቶተ ጥበብ ሥነ
ፀዳሉ፤

ከመ እርአይ ገጸ ነገር ለኪዳንኪ ዘይደሉ፤

ማርያም እግዝእተ ኹሉ ዘታህቱ ወላዕሉ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለዝክረ ሰምኪ ዘክሰተማሰልዎ በኮከብ፤
ሶበ ብርሃኑ ተከድኑ ጽልሙታን ራዕይ ሕዝብ፤
ኪዳን አምላክ ማርያም ወተሰፋ መድኃኒት
ዘዓርብ፤
ተናዘዘ ብኪ አኮኑ ሕሊና ቀዳማይ አብ፤
አመ እምገነቱ ተሰደ በኃዘን ዕፁብ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለሥዕርተ ርእሰኪ ዘፈትለ ሜላት ዘውጋ፤
ወምልዕት ይእቲ እምጠለ ሰማያት እንበለ ንትጋ፤
ለዘተካየደኪ ማርያም ኪዳነ ምሕረት ቅድመ
እንግልጋ፤

ሰአሊዮ ሕይወተ ነፍስ ይፀግወኒ በጸጋ፤
አምሳለ ኤልያስ አኮ ዘሐይወ በሥጋ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም ለፍልሰተ ሥጋኪ ኅብ ሕንፃ ሕይወት

ዘተሐደሰ፤

እምቅድመ ዝኒ ኅቤሁ ሥጋ ወልድኪ ፈለሰ፤

ቤዛዊተ ዓለም ማርያም አስተባብቀኝኪ አንሰ፤

ትቤዝዊ በኪዳንኪ ዘዚአየ ነፍሰ፤

እሰመ በሥራይኪ ለቀራሰልየ ቀባዕክኒ ፈውሰ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ

ደብተራ ፍጽምት ዘጳውሊ፤

ወማኅደሩ በጽድቅ ዘገብራ ከሃሊ፤

ፈለሰት እምዘይበሊ ኅበ ኢይበሊ፤

በመሰንቆሁ እንዘ የኃሊ፤

ዳዊት አቡሃ ዘወልዳ ወዓሊ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ወረብ

ደብተራ ፍጽምት ዘጳውሊ ፈለሰት እምዘይበሊ ኅበ
ኢይበሊ፤

በመሰንቆሁ እንዘ የሐሊ ዳዊት አቡሃ ዘወልዳ
ወዓሊ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



መልክክ ማርያም

ሰላም ሰላም ለዝክረ ስምኪ ሐዋዝ፤

እምነ ከልበኒ ወቀላሰጥ ወእምነ ሰንበልት ምዑዝ፤

ማርያም ድንግል ለባሲተ ዐቢይ ትእዛዝ፤

ይሰቅየኒ ለለጽባሐ ወይነ ፍቅርኪ አዚዝ፤

ከመ ይሰቅዮ ውኒዝ ለሠናይ አርዝ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ

ሰላም ለኪ ማርያም እመ አምላክ ወልድኪ
ይጼውዓኪ ውስተ ሕይወት ወመንግሥተ ክብር።

ወረብ

ሰላም ለኪ ማርያም እመ አምላክ ማኅደረ መለኮት፤
ወልድኪ ወልድኪ ይጼውዓኪ ውስተ ሕይወት
ወመንግሥተ ክብር።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



መልክኦ ማርያም

ሰላም ለእስትንፋሰኪ ዘመዐዛሁ ሕይወት፤
ከመ መዐዛ ዕፅ ኅሩይ ዘውስተ ገነት፤
ማርያም ድንግል ቤተ ቅድሳት፥
ጽንሕኒ ውስተ ሠናይ ወሰውርኒ እሞት፤
በአክናፍኪ ርግብየ ኅሪት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ

ንዒ ጎቤየ እንቲአየ ሠናይት ርግብየ ፤ መዓዛ አፋሃ
ከመ ኮል ፤ ወኹሉ ነገራ በሰላም።

ወረብ

ንዒ ጎቤየ እንቲአየ ሠናይት ርግብየ ፤
መዓዛ አፋሃ ከመ ኮል።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



መልክክ ፍልሰታ

ሰላም ለፍልሰተ ሥጋኪ ዘኢይቀብል ሞገሱ፤

ወዘኢይነጽፍ ባሕርየ ተውዳሱ፤

ማርያም ታዕካ ለእግዚአብሔር ጽርሐ መቅደሱ፤

ተበሃሉ በሰማያት እለ ኪያኪ አፍለሱ፤

ማርያምስ እንተ በምድር ታንሶሱ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ

ማርያም ጽርሕ ንጽሕት ማኅደረ መለኮት ፤
እኅቶሙ ለመላእክት ፤ ሰመያ ሰማያዊት እንተ
በምድር ታንሶሱ።

ወረብ

ማርያም ጽርሕ ንጽሕት ፤
ማኅደረ መለኮት ጽርሕ ንጽሕት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ማኅሌተ ጽጌ

ትእምርተ ፍልሰትኪ እምድረ ጽጌ አ ድንግል በክልኤ
በደመና ሰማይ አርአየ ዘሐዋርያት ጉባኤ፤
ወእለ ሞቱ አንቅሐ እምከርሠ መቃብር በቀርነ ጽዋዔ
ለነሰ እንዘ ይብሉ ሶበ ሰማዕነ ውዋዔ፤
መሰለነ ዘበጽሐ ትንሣኤ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዚቅ

ተጋብዑ በቅጽበት፤

ለግንዘተ እሙ ቅድስት፤

ብፁዓን ሐዋርያት፤

ቦኡ ኀቤሃ በሰላም አምሁ ኪያሃ፤

በሰብሐት ገነዙ ሥጋሃ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ተመሲለኪ ሰማየ እንተ አሥረቂ ፀሐየ፤
ተመሲለኪ ገራህተ እንተ ፈረይኪ ስርናየ፤
ማርያም ዘኮንኪ ለነፍሰ ኃጥኣን ምጉያየ፤
ለአቡየ ወለእምየ እለ ወለዱ ኪያየ፤
ኢትዝክሪ ማርያም ዘገብሩ ጌጋየ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ኢትዝክር እግዚአ ለነፍሱ ያጠኣታ፤
 ዘገብረት በአእምሮ ወበኢያእምሮታ፤
 ክድና ሣህለ ከመ ዘሰሙር ወልታ፤
 ለባሕረ እሳት ኢታርእየኒ ንደታ፤
 እሰመ ተማኅጸንኩ ለእምከ በክልኤ አጥባታ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



አምላክ ምድር ወሰማያት ፤ አምላክ ባሕር ወቀላያት፤
ወአምላክ ኩሉ ፍጥረት፤
አምላኩሙ አንተ ለአበው ቀደምት፤
አምላኩሙ ለነቢያት አምላኩሙ ለሐዋርያት፤
አምላክ ፃድቃን ወሰማኝት፤
መሐረን ለነ አምላክነ፤
እስመ ግብረ እዴክ ንሕነ፤
ወኢትዝክር ኩሎ አበሳነ።





የኢትዮጵያ ኦርቶዶክስ ተዋህዶ ቤተ ክርስቲያን



ምስባክ

ምስባክ

መዝሙረ ዳዊት ፵፬ ÷ ፱ - ፲

ወትቀውም ንግሥት በየማንኛኛ።

በአልባሰ ወርቅ ዑጽፍት ወኅብርት።

ስሚዒ ወለትየ ወርእዩ ወአጽሚኢ ዕዘነኪ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ምልጣን (አንግርጋሪ)

ሃሌ ሉያ ትርሢተ ወልድ መለኮት ወፍቅር ኅደረ
ላዕሌሃ ፤ ይቤላ ርግብየ ወይቤላ ሠናይትየ ፀቃውዕ
ይውኅዝ እምከናፍሪሃ።

ወረብ

ትርሢተ ወልድ መለኮት ወፍቅር ኅደረ ላዕሌሃ
ይቤላ ርግብየ ፤ ወይቤላ ሠናይትየ።



የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



እስመለዓለም

በአልባሰ ወርቅ ዑጽፍት ወጥብርት ፤ እኅትየ
መርዓት አዳም አጥባትኪ እምወይን ፤ መዓዛ
ዕፍረትኪ እምኩሉ አፈው ፤ እትፌሳሕ
ወእትሐሠይ ብኪ። ናፍቅር አጥባተኪ እምወይን ፤
ርቱዕ አፍቅሮትኪ ኩለንታኪ ሠናይት እንተ
እምኅቤየ። አልብኪ ነውር ወኢምንትኒ በላዕሌኪ
ፃኢ እምሊባኖስ እኅትየ መርዓት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ቅንዎት(ዘቀዳሚት)

ክብሮሙ ለቅዱሳን ሞገሶሙ ለጸድቃን መርሐሙ
ለዕውራን ዝንቱ ውጊቱ መስቀል እንሰሳ ገዳምኒ
አዕዋፈ ሰማይኒ ያንቀዐድዉ ኀቤከ አምላክ
መስተመይጥ ፤ ያፀግብ ነፍሰ ነዳያን ያከርም
በበዓመት ፤ ለዘበእንቲአነ ውስተ ማኅፀና
ለማርያም ተሠወርከ ወበደመናትኒ ሰማየ ዘከለልከ
ወኹሉ ቀሊል በኀቤከ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዓዲ ቅንዋት

ነያ ሠናይት ወነያ አዳም አግዓዚት ማርያም ጽርሕ
ንጽሕት በአልባሰ ወርቅ ዑጽፍት ወኅብርት ወዲበ
ርእሳኒ አክሊል ጽሑፍ በትዕምርተ መስቀል።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዘሰንበት

የማነ ብርሃን ኅደረ ኅበ ማርያም ድንግል ጥዕምት።

በቃላ ወሠናይት በምግባራ። እሞሙ ለሰማዕት ፤

ወእኅቶሙ ለመላእክት ፤

እንተ ተሰምየት ሰንበተ ክርስቲያን ተስፋ ቅቡፃን ፤

መድኃኒተ ኮነት ለኵሉ ዓለም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



አመላለስ

እንተ ተሰምየት ሰንበተ ክርስቲያን ተስፋ ቅቡ፡፡
መድኃኒተ ኮነት ለኩሉ ዓለም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



አቡን

ሃሌ በ፲ እኅትነ ይብልዋ ወይኬልልዋ ፤ ነያ ሐዳስዩ
ጣዕዋ። ጸቃውዕ ይውኅዝ እምከናፍሪሃ ፤ ከመ
ቅርፍተ ሮማን መላትሒሃ። ልዑል ሠምራ ዳዊት
ዘመራ በቤተ መቅደስ ተወክፍዋ።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ዓራራይ

እንተ ክርስቶስ በግዕዝ እንተ ታስተርኢ እምርኅቅ
ብሔር ፤ ከመ መድበለ ማኅበር እንተ ትሔውጽ
እምአድባር ፤ እንተ ኮነት ምክሐ ለኵሎን አንስት ፤
ኢያውዓያ እሳተ መለኮት ፤ ንጽሕት በድንግልና
አልባቲ መስና ፤ መድኅኒት ይእቲ ንብረታ ጽሙና
፤ ፀምር ፀዓዳ እንተ አልባቲ ርስሐት።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



ሰላም

ንዒ ገቢየ እንቲአየ ሠናይት ርግብየ ፤

መዓዛ አፋሃ ከመ ኮል። ወኹሉ ነገራ በሰላም።





የኢትዮጵያ ኦርቶዶክስ ተዋሕዶ ቤተ ክርስቲያን
የፍልሰታ ለማርያም ሥርዓተ ማኅሌት



እስመለዓለም

በአልባሰ ወርቅ ዑጽፍት ወኅብርት ፤ እኅትየ
መርዓት አዳም አጥባትኪ እምወይን ፤ መዓዛ
ዕፍረትኪ እምኸሉ አፈው ፤ እትፌሳሕ
ወእትሐሠይ ብኪ። ናፍቅር አጥባትኪ እምወይን ፤
ርቱዕ አፍቅሮትኪ ኸለንታኪ ሠናይት እንተ
እምኅብዬ። አልብኪ ነውር ወኢምንትኒ በላዕሌኪ
ፃኢ እምሊባኖስ እኅትየ መርዓት።



ምንጮች

ዝክረ ቃል / መጽሐፈ ዚቅ

መጽሐፈ ግጻዌ

መዝሙረ ዳዊት

“በጎውን ማን ያሳየናል የሚሉ ብዙ ናቸው።” (መዝ. 4፥6)። Facebook

[FinoteHiwotSundaySchool](#) Facebook

[WudaseTube - ውዳሴ](#) Facebook

<https://www.ethiopianorthodox.org>

<https://et.tgstat.com/channel/@armreel>

ሥዕል:- ቫቲካን አገልግሎት ዜና ድረ ገጽ

ምስጋና ለአብ ለወልድ ለመንፈስ ቅዱስ ይገባል። አነሣሥቶ ላስጀመረን አስጀምሮ ላስፈጸመን ክብርና ምስጋና
ለአምላካችን ይሁን። ለዘለዓለሙ አሜን።

ሐምሌ ፳፻፲፭ ዓ.ም
July, 2023

Getahkun Teshome

(614)432-5844

bereded62@gmail.com

Columbus, Ohio USA